

## Geliefde Lourensriverder

Die tweede kwartaal het ons alweer bekruip soos 'n dief in die nag! Hoop die vakansie het jul moegeploegte lywe en oorlaайд breine verkwik en nuwe woema gegee vir hierdie vinnige kwartaal wat volg.

Ek is darem so bly dat ons kan staatmaak op ons Herder wat siele verkwik en vrede gee in hierdie malle rotresies elke dag♪♪



## NUUSKRUMMELS: 12 APRIL 2018

### NUUS UIT DIE KERKKANTOOR:

#### D6 COMMUNICATOR



Dit is met groot hartseer dat ons julle medeel dat daar besluit is om nie voort te gaan met hierdie vorm van kommunikasie nie. Julle kan maar die "App" van jul foon verwijder. Vanuit die 2429 lidmate op ons databasis is daar tans 117 wat daarvan gebruik maak (wat ook by die dag minder word). Ek sal steeds voortgaan om met julle per epos en sms'e te kommunikeer. ALLE inligting wat ek moontlik kan plaas sal ook altyd op ons FB Blad, Twitter en Webtuiste beskikbaar wees.

### TE KOOP BY KERKKANTOOR

**Beskuit @ R35 per pakkie**

**Lappiesboontjies  
@ R45 p/k  
(vir sop &  
sousboontjies)**

**Navrae:  
021 853 5991**



Anna se  
organiese  
Hanepoot  
Korrelkonfyt:  
R20 per  
potjie



**ALLES is ten bate van die Voedselfeesfonds:** Daar is besluit om dwarsdeur die jaar te woeker vir ons Voedselfeesfonds en daarom is gemeentelede ook welkom om nou al te begin bydra. Ons hoef nie te wag tot twee weke of 'n maand voor die Voedselfees plaasvind nie.

### VIR FINANSIELE BYDRAES:

Rekeningnaam: NGK Lourensriver  
ABSA Bank Strand (Takkode: 334 312)  
Rekeningnommer: 420 580 231

Stuur bewys van inbetaling na kerkkantoor per e-pos: fin@lourensriver.co.za of faks 021 853 8009 met verwysing (Naam & voedselfees)

Bydraes kan ook by kantoor gedoen word of d.m.v. Koevertjies (by deure in voorportale) wat in kollektesakkies geplaas kan word.

## SNR MANNEGROEP



Hierdie vriendelike omgemeenmanne kom elke Woensdagoggend @ 08h00 in die kleinsaal by die kerk bymekaar en wil graag ander mans uitnooi om deel te word van dié lekker groep. Daar word oor verskeie onderwerpe gesels en tyd in die Woord gespandeer. Hulle het ook uitrekprojekte na Liefdadigheidsinstansies.

Indien jy belangstel, kontak Louis Steyn @ 021 854 3226 of 0834153031

## KERKNUUS UIT DIE ONGEWING

HELDERBERG ARTS FORUM

**Strijdom  
Stabat Mater  
Palestrina**

**Poulenc  
Easter Motets**

@ Lofsentrum, Gordon's Bay  
Thursday 12 April (19:00) | Saturday 14 April (16:00)  
R100 – 084 676 4901 at the door

Ons deel graag inligting en nuus van ál ons gemeentes – van Alexanderbaai tot Plettenbergbaai en alles tussenin! Enige iemand is welkom om in te teken.

### *VrydagNuus*

#### NG Kerk Wes-Kaapland Elektroniese nuusbrief

Kry ons kerk se nuus weekliks direk, vars en akkuraat.  
Wees ingelig!

Teken gratis in met jou naam en e-posadres by [media@kaapkerk.co.za](mailto:media@kaapkerk.co.za).



komunikasie@kaapkerk.co.za  
AMPTELIKE NUUSBRIEF NG WES-KAAPLAND  
Beste Marieta

#imagine: 'n Getuenis  
W Riverondreers se jong (sien onder) is #imagine 'n empowering experience ... wat uitgekrag het tot 'n getuenis soos myl Vroek het die gemeente se kerkraad tiens benners uit die gemeenskap geborg vir #imagine. Die tien het onder leiding van Stephan Haude 'n weeklike #imagine koffiekroeg begin, wat intussen gegroei het na 40! Lees [verder](#)



### BESKIKBARE BYBELSTUDIEMATERIAAL:

Precept Ministries Africa is 'n bediening wat spesialiseer in die maak en versprei van Bybelstudiemateriaal. Ons bediening mik om die kerk te ondersteun deur God se mense in Sy Woord te vestig. Ons Bybelstudiemateriaal is gemaak vir enigiemand om te gebruik, hoe diep jy ookal wil studeer.

Al die materiaal kan gevind word by <https://shop.precept.org.za/> (jy kan ook elke hulpbron se eerste les verniet aflaai).

Vir meer inligting, kontak:  
Simeon Labuschagne (Afrikaans Ministry Representative)  
Kantoor: 021 531 1836 en Webwerf: [www.precept.org.za](http://www.precept.org.za)



# KEVIN LEO

Alle seniors word hartlik uitgenooi na 'n

## GRATIS optrede deur KEVIN LEO

by NG Suiderstrand Gemeente (Alex Pienaarstraat 21, Strand – op die hoek van Gordonsbaaiweg en Alex Pienaarstraat)

op Vrydag, 25 Mei 2018

om 9h30 vir 10h00.

Daar sal CD's en verversings te koop wees.

Bring asb 'n geldjie saam.

## KOM GENIET DIE OGGEND SAAM MET ONS!!!!

Gee asb 'n aanduiding of u belangstel om die ooggend by te woon deur vir my 'n epos te stuur na [hoof.soeterus@gmail.com](mailto:hoof.soeterus@gmail.com) sodat ons die nodige reälings kan tref.

Vriendelike groete,  
Hannelie Koekemoer  
021 853 7423

## NUUS UIT GEMEENSKAP



Besoek Goedehoop Aptiek, Goedehoopsentrum, Broadway, Strand (021 853 2088) vir uitstekende, professionele en vriendelike diens

## VEILIGHEID "GADGETS"

Hier is 'n baie veelvoelige manier om jou kinders en bejaarde ouers (veral met dementia en alzheimers) te beveilig.

Tans is hierdie die bekostigbaarste opsie. Hier is die FB blad indien iemand belangstel:

<https://www.facebook.com/marketplace/item/1757737264530545>

Hier is 'n videogreep ter verduideliking: Kliek op skakel of druk Ctrl en kliek op skakel:

<https://www.facebook.com/181386322479646/videos/186297555321856/>



Hannelie Botha

Cell: 076 419 0081

Email: [traceco14@gmail.com](mailto:traceco14@gmail.com)

Skype: hannelie492

3 Keurboom Close, Strand



Q50 kids smartwatch with GPS tracking, safe-zone and safe-number settings R249

## ONDERSTEUN ASB ONS GEMEENTELDE SE BESIGHEDÉ:



DR MARIUS PEEK

Shop 4, Goedehoopsentrum, Broadway, Strand  
071 300 5632

## **KNIEWERK:**

- ✚ Paul Louw vir gesondheid (kanker)
- ✚ Sannie le Roux vir gesondheid (kanker)
- ✚ Joël Kriegler vir bestraling
- ✚ Leon Strauss se pa het geval en been in potjie gebreek
- ✚ Jessie Serdyn se ma, Biebs Human (Huis Pam Brink) het weer geval
- ✚ Stukkie de Jager se gesondheid gaan agteruit



## **FOKUSTEKS VAN WEEK ASOOK DEEL VAN SO. 15 APR. SE BOODSKAP: HAND 3:12-19 (DERDE WEEK IN PAASFEES)**

Waar Handelinge 2 vertel van die radikale nuwe lewe en lewenswyse binne die gemeente van die Here, vertel Handelinge 3 van die gemeente se aksie (REAKSIE) na buite.

Die teks is deel van 'n groter vertelling waarin die bedieningspatroon van die gemeente in Jerusalem (ons maak ook nou daarvan deel uit) oorvertel word. Die voortgang van die opgestane Jesus se bediening na die uitstorting van die Heilige Gees word vir ons duidelik.

Een sentrale tema is: Beide opbou en uitreik geskied deur die krag van die Heilige Gees. Die gemeente wat in Christus nuut gemaak is, het 'n impak op die gemeenskap.

Só.... Wat beteken die woord geloof vir die wêreld daarbuite? Geloof is ons REAKSIE op God se GENADE, Sy gratis geskenk, Jesus Christus..... Paying it Forward♪ Ons lewenswyse (optrede) verander (inkeer/bekeer) en dan gaan dit oor hoe ons op ons faalbare, "nie-perfekte" maar gewillige manier aan Hom gehoorsaam bly sodat Hy Homself deur ons aan die mensdom kan vertoon♪♪

Die kerk se bediening aan die wêreld gaan in ons teksgedeelte veral gepaard met verkondiging. Die oorspronklike Griekse woord is kerugma, 'n belangrike merkteken van die kerk onder leiding van die Heilige Gees.

Sodra die wonderwerk plaasgevind het, stroom verbaasde en verwonderde mense nader om te hoor wat gebeur het. Petrus, nooit op sy mond geval nie, trek weg en verduidelik: "1Die God van Abraham, die God van Isak, die God van Jakob, die God van ons voorvaders, het aan Jesus, sy Dienaar, Goddelike eer gegee ..." (13). Petrus se verkondiging fokus die aandag op Jesus, Dit is Hy, vertel hy, wat aan Pilatus oorgegee en deur die volk verwerp is. Jesus was heilig en opreg, die Leidsman na die lewe, maar Hy is doodgemaak. God het Hom egter uit die dood opgewek – daarvan is Petrus en ander getuies. Hierdie man is nou genees deur geloof in Jesus, deur "geloof wat van Hom kom" (16).

Hiermee is die grondpatroon van kerugma / verkondiging in Handelinge gelê: 'n wonder gebeur, en die kerugma lê die wonder uit as 'n daad van die opgestane Jesus Christus deur die krag van die Heilige Gees. Hierdie patroon herhaal homself oor en oor. Dit beteken: Jesus is nie weg nie: Hy is steeds aktief teenwoordig deur sy Gees, en sy kerk is deel van sy werk en getuig daaroor.

Hy is steeds die God van wonderwerke en wil beslis IN en DEUR ons, Sy kinders, werk!

**ORGEE, OMGEE, AANGEE**

Jackie@Lourensriver

**GRACE IS  
FREE, BUT  
NOT CHEAP!**